



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Liber Theologiæ Moralis, Viginti Qvatvor Societatis Iesv
Doctoribvs Reseratvs**

**Escobar y Mendoza, Antonio de
Lvgdvni, 1659**

II. De domino, & feudatario plura.

urn:nbn:de:hbz:466:1-41066

6. *Exprime feudi conditiones?* Septem ex meis collegi Doctribus. 1. Ut sit de re immobili, vel pro tali habita. 2. Ut dominium directum, & possessio ciuilis apud dominum remaneat; utile verò in vasallum transferatur. 3. Ut non teneatur feudarius ad pensionem, si est feodium parum, sed tantum ad personale obsequium. 4. Ut si obsequium non præstiterit, feodium amittat. 5. Non potest illud inuitu domino alienare, alias amittit. 6. A domino inuestiendus, & in possessionem mittendus est, iurata fidelitate. 7. Inuitu domino non potest feodium donare, oppignerare, vel alteri in feodium concedere.

C A P V T II.

De domino & feudario plura.

7. **S**cio iura multa habere feudarium & dominum in feudo. Itaque ius feudarij recole. Primò, utile dominium non licet alienare, domino inuitu. Secundò, non potest rem feudalem oppignerare. Tertiò, potest fundo feudali seruitutem imponere, sibi soli noxiā. Quartò, dare alteri in feodium potest seruatis hisce conditionibus, vt fiat sine fraude: ut detur pari: vt iisdem pactis, quibus ipse accepit, detur. Quintò, de feudo testari non potest, potest tamen ei sine consensu domini renunciare. Sextò, dominum non potest offendere, nec contra eum militare. Septimò, non potest feodium diuidere inter consortes, si feodium ab Imperatore. Octauio, in alienatione feudi noui sufficit solius domini consensus. Nonò, si pater alienare voluerit, requiritur consensus filiorum, si ius illis sit acquisitum; at si hereditarium sit ius, non requiritur consensus filiorum.

8. *De iure domini in feudo, & obligatione feudarij quid?* Primò quidem feudarius domino fidelitatem iurat. Secundò, si plures feudarij heredes, omnes iurare debent; si communitas feudaria, unus, qui feodium accipit, nomine illius iuramentum præstabat. Tertiò, vasallus tenetur per seipsum domino inservire, nisi dominus in alium eius vicarium consentiat. Quartò, actio competens vasallo, ut post inuestituram tradatur possessio, quæ dicitur actio ex lege, & stipulatu.

9. *Quidnam præterea vasallo competit?* Primò, post possessionem dominium utile. Secundò, in novo feudo post inuestitum

inuestitoram agit vasallus ad possessionem; at in antiquo agit tantum, ut inuestitura renouetur. Tertiò, eiusmodi actio competit etiam hæredi vasalli contra hæredem domini, si laicus fuerit, qui inuestitur; at si Ecclesiasticus fuerit, non cogitur successor in Ecclesia confirmare. Quartò, si feudale prædium euictum fuerit, liberum est vasallo, agere contra dominum, ac si feudum traditum non fuisset. Quintò, vasallus graui iniuria à domino suo affectus, actionem habet, qua petet immunitatem ab omni obsequio.

10. *Actiones domini contra vasallum exprimare precor.* Primo, est ei directa rei vendicatio. Secundò, ut debitum præstetur obsequium. Tertiò, si feudum sit apertum, hoc est devolutum ad dominum, culpa vasalli, ager contra ipsum repetendo feendum, & dicitur traditio rei ob causam. Quartò si vasallus vendidisset feendum, inuito domino, competit ei contra emptorem rei vendicatio.

C A P V T III.

Quinam in Feudo succedant.

11. *Vinam sunt inhabiles feudi successioni?* Inhabiles sunt capti aliqui membro. Fæmina? Regulariter non admittuntur nisi exprimantur, aut nisi feendum fœminum sit, vel omnino francum, & liberum. Nec admittuntur descendentes ex fœminis. Masculus natus ex linea fœminea fœminam excludit, & fœmina semel exclusa semper exclusa est. *Vteri fratres?* Non succedunt.

12. *Quinam autem habiles sunt?* Masculi filij succedunt in feudo cæteris exclusis. *Filij adsunt ex duobus matrimonii.* Præferendi in feudo sunt iij, qui sunt ex priori, nisi qualitas feudi aliud suaderet. *Nepotes?* Succedunt cum filiis in stirpes.

13. *An succedant illegitimi?* Minime; sed naturales facti legitimi per subsequens matrimonium, succedunt.

14. *Succedunt ne filij & qualiter in feudo?* Ita planè, nec ascendentibus deficientibus descendentibus succedunt; nisi fuerit expressum in inuestitura. *Laterales ne?* Deficientibus libris, succedunt, modo feendum paternum sit, & antiquum.

15. *Germanus ne excludit consanguineum?* Non excludit. *Quid de Clerico?* Iam ordinatus in sacris, vel beneficiarius potest feendum paternum retinere. Si non erat ordinatus, eo ipso repudiare videtur quod transit ad statum, in quo personaliter seruire non potest.